

«تورک يوردى» نىڭ بۇ ھالىتىدە «تورک يوردى»
 كىتابخانىسى، نىڭ ۱۹۵۱-يىلى ۱۰-ئاي ۱۰-كۈنى.

ایتمش بو بایرامده ، روحمز : « یارب ، بزه کوکدن نعمت ایندر ، هیمزه بایرام اولسون ! » دعاسنک درگاه حاجنده مقبوله یکمیش اولدیغنی طویارق سونجملره طولودر .
الله ، بو بایرامزده باشقه شکر اولنه حق نعمتلرده احسان ایتدی : مسلمانلر آرمه سنده کورمه یه باشلادیغمز سکون و آسایش او بویوک نعمتلردندندر . بونجه ییللردنبری اسلام دنیا سنی قایلان فلاکتلر ، بیراملریزده مانع سرور ایدی . مثلاً کچن قربان بایرامی ، اسلام خلیفه لکنک مرکزی تهید آلتنده بولنیوردی . رمضان بایرامی ایسه حرب دهشتلری ایله یکمیشدی . دها اولکی ییللرک بایراملری ، مملکتمزک آسایشسز لکندن نشأت ایدن توقیقلر ، نفیلر ، و بونلره بکزه ر دیگر راحتسز لقلره قارا کتلاشدیرلشدی . بو ییل ، الحمدلله ، ظلمتلر اکسیلیدی . ایشلر یولینه کیده ر گیبی امیدلر طوغدی . قلبلره راحت کلمه یه باشلادی . بو بایرامزده ، آرتق سونیه ییلیرز ، بربریزی صمیمیتله تبریک ایده ییلیرز .

بو بایرامده کی متبسم چهره لریمز ، مسعود قلبلریمزک آینه سی صاییه ییلیر .
بایرام مبارک اولسون ، قارده شلر ! مبارک اولسون بایراملر !

بو باش مقاله دن غیری ، « وقت » ک بایرام نسخه سنه خصوصی بر رنک ویرن « کوکده کوزل ، فقط یرده دها آیی » فائته زیسی ، « بایرامده آغلامازلر ، یاوروجغم ! » حکایه سی ، و « رمضان خاطره لری » واردی .



بایرام احتیاجی

آدم اوغللری حیات یولنده قوناق آزارلر . دنیا نك بوتون شاعرلری ، حیاتی اوستدن آتشی کونشیلر . آلتدن قیزغین قوملریله یاقان برچوله بکزه تهرک . سرین صوکنارلرنده ، کولسکی واحه لر حسرتیه آغلاملردر . صانیورم که بایراملر ، بواحه احتیاجندن طوغمشدر . دینلرک جانلی زمانلرنده . بایرام کونلری آدم اوغللری دیکندیریر ، بربرلرینه یاقنلاشدروب سوشدیریر . اسکی برخلق شاعری « بوکا بایرام کونی دیرلر ، قان ایدنلر باریشیر » دییور .

انسانلرک، آصر، مأمور، آلیش و بریشچی، فرقه‌چی البسه‌لرینی کینوب، صنفوق
صنفوق قارشیلانمیشلرندن غیری برده عین آدمک اوغلی قارده‌شیر جیلاقلغیله بربرلرینه
صوقولق احتیاجلری وارد. دین جانلی ایکن، اینانیش، سولیش بر بایرام، ایسته
بو احتیاجی تطمین ایدر. زمانمیزک غایت دیندار و پک حر اندیش برمتفکری، انسانلرک
بر بابا اولادی اوله‌رق مصافحه‌لرنده، اک جوزولز ظن ایدیلن خصومت دوکوملرینک
أریویوردیکنی نه کوزل آکلامشدر! بایراملر، جمعیت ماکنه‌سینک یانی کیدر.

اون، اون بش ییلق مجبوری بر غیوبتدن سوکره استانبوله کلدیکم زمان
بر جوق آئی شیلر کی تورک جماعتنده بایرامک ده اوچوب کیشمش اولدیغنی کوردم:
حرمت بسله‌دیکم بر ذانک الینی اوپمک ایچون بایرامک ایلک کوفی قوناغنه کیشمدم،
«أوده یوق، آوده..» دیدیلر! بر رفیق صنعتک خانه‌سندن، «یالوده‌ده» جوابی
آلدم. دیگر بریسی ایسه مطلق اوله‌رق، «أوده یوق» ایدی. استانبولک منورالفکر
صاییلانلری بایرامدن قاجبورلر، دیمکدی. و بؤکا ایچم جوق صیزلادی: بر جماعتک
اک قوی باغلری بویله جوزولش اولورسه، او جماعت ناصل بایدار اوله‌ییلیر؟
دیوردم.

دینده لایالی ظن ایتدیکمز اوروپالیرک پک پارلاق بایراملری وارد. بر اوروپایی،
فردی دینی غائب ایش اولسه بیله اجتماعاً دینی قالمشدر. اونلر کچن عصرک افکارینه حکمران
بویوک فیلسوفلرینه اطاعت ایدهرک دینک اجتماعاً براصر الزم اولدیغنه ایناعشدر. اوروپا،
هله‌اک مترق و متمدن اولان آنغلو-ساقسون و جرمن اوروپا، پک دینلیدر. (برلین)ک،
(لوندره)ک مبلاد عیسی یورطیلری نه جانلی، نه خوش، نه دریندر! اوچ یاشنده
بر چوجقدن، طقسان یاشنده بر اختیاره، اک فقیر بر عمله‌دن، قرال ویا ایمپراطوره
قدر هرکس او بایرامی طویار، آکلار و سوه... شمال تورکسیک ده بایراملرینی،
استانبولدن جوق جانلی وشن کچیرمکده در. بایرام کونلرنده قلیدن طاشان سرور،
بوتون یوزلری نورلاندیریر. دیریلر، بربرلرینی مطلقاً زیارت ایدرلر، اولولرینی ده
اونو نمازلر. حر اندیش کییفنلریله، بایرام نمازینی اصلاً ترک ایتزلر. جمعیتک اولولری،
اجتماعی وظیفه‌لرینی اونودوب، آوه، صیفیه‌یه قاجازلر، حتی صیفیه‌ده اولانلری بیله
دوئر، وظیفه‌سی باشنه کلیر. بایرام زیارتلری، حقیقه‌ت برر وظیفه اجتماعیه در.
ملتنک پارچالوب اوفالوب باشقه ملتله، کرسته اولماسی ایسته‌مه‌ین، کندیلکنی غائب
ایتمه‌رک یاشامق آرزو ایدن هیئت اجتماعیه‌لرده، مطبوعاتک بایراملره اشتراکی پک مهم
ویویوکدر.

آز چوق فرانسزجه بیلنلر ، عنعنیه رعایتسزلك یوزندن چوق متضرر اولان فرانسه ده بیله ، مصور مجموعه لرك نوئل نسخه لرینک فوق العاده لکنی، البته کورمشلردر. آنفلو - ساقسون ، جرمن و اسلاو مملکتلرنده ایسه مجموعه لرك و حتی کونده لک جریده لرك بایرام نسخه لری علویات و محاسنه محبت حس و آرزولرنی تربیه و تزیید ایدن برر اثر نفیس حالنده انتشار ایدرلر ؛ حالبوکه بزم استانبول مطبوعاتی اکثریا بایراملری طویغه دن کچیرمیش کبیدرلر . کونده لکلرک اک اوستنه ، باش مرتب افندی طرفندن یرکدیریلش ، روحسز ، طویغوسز ، باصمه قالب اوچ بش چتره فیل جمله یه ، بالطبع بایرام مقاله سی دیه مه یز . فقط کونده لکلریمزک او « عید سعید میامن بدید فطر » بندلرنی بزم مطبوعات آدم لرینک ، حتی ، بلکه بوتون منور صنف روحنک دینی طویغولرینه بر مثال کبی تلقی ایدرسه ک ، عجبا چوق خطا ایتمیش اولورمی یز ؟ دینی طویغولریمز و او طویغولریمزک تعجیاتی ، حقیقه اولیه اولش . قوریمش ، قدید اولش ، حتی مستحائنه حالنه کلش کیمک ویا طاش پارچه لرینه بکزه میوری ؟ حالبوکه جمعیتلرک ، ملت لرك یاشامه لرنده ، بویوک ایشلر کوره بیلمه لرنده دائمًا سبب و غایه جانلی و آتشلی بر ایمان اولمشدر . دینیزی ، ایمانیزی مستحائنه حالندن چیقارماق ، چیقاراما ق موتدر ...

حضرت خلیل الرحمن کندی اوغلنی قربانه قرار ویره رک ، باشقه آدم اوغللرنی مؤید قوربانلقدن قورتارماق ایسته دیکی بو مبارک کونده ، حقیقت ظن ایتدیکمز بوشیلری یازماق ایسته دک : صنف منور دنیلن کیمسه لریمز ، خلقک پایانسز ایمانندن فیض آله رق خقله سوبوب ، خقله متأل و مالازلر و بونکچون بر آزاراحتلرنی ، عظمتلرنی قربان ایتمزلرسه ، سومک دعواسنده بولندقلری تورک ملتیی الی الابد قربانلق قویون حالنده براقش اولاجقلردر .

آ . ی

« تورک یوردی » و « تورک ارماجی » ، بایرامک ایکنجی کونی صباع ساعت (۱) ده آقشام ساعت (۴) ده قدر بایراموشم ایستیه اعضا و دوستلرینه آجیقدر .